



Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Elegia 30. D. Ioannis triumphus. 1. Amor diuinus Ioannis adornat triumpham. 2. Ioannis in curru triumphali maiestas. 3. Triumphus, & in eo monstrorum sub rotis oppressio.

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

D. Ioannis triumphus.

1. *Amor diuinus Ioannis adornat triumphum.*
2. *Ioannis in curru triumphali maiestas.*
3. *Triumphus, & in eo monstrorum sub rotis oppressio.*

Interea Vates flos pulchrior emicat astro,
 Purior illimi cui niue candet amor.
 Victor amor felix, cui semper adorea bello
 Floret, & ante tubas omina læta vouet :
 Et Dux ipse, comesque suo cum Vate triumphum
 Apparat, & Vati præmia sera canit.
 Saeva sed in fædos obnunciat omina pardos,
 Pardos, queis proprium crimen adulter Hymen.
 Dicitur alba prius tristem traxisse ruborem,
 Mortis opus, lenæ quæ rosa fronte stetit.
 Qualis at hic Vati claræ fiducia laudis
 Surgit, Idumæo cui fata palma toro est !
 Vt rata vota tulit, pulchræ mors conscia famæ;
 Candida pennato fama triumphat equo.
 Iamque triumphales aduoluit ad astra quadrigas
 Gloria, purpureâ gloria picta rogâ.
 Ipse suo Vates vt tinxit sanguine lauros ;
 In caput admittit laurea ferta suum.
 Dux habiles flecti pudor emoderatur habenas
 Puniceas, pictis quas struit ille rosis.
 Cui sol ipse suos optat transferbere currus,
 Curribus vt curas adderet inde suas.
 Haud aliâs alijs lux pulchrior vlla quadrigis,
 Ardet eques gemmis, ignibus ardet equus.
 Vatis at adsidit latus hinc soror alba Pudori:
 Inde sedet duris læta Virago malis.
 Principe stans dextrâ sceptrum Iouis incubat ales;
 Qui legit innubi solis ab ore iubar.

Præradia

Præradiat læuâ lampas , lux nescia noctis ;
 Ni magè sol terris alter , & alter ear :
 Ne stet Acidaliùm cælo de Cypride sidus ;
 Pulsa Venus cælo est. Phosphorus alter erit.
 Phosperus alter erit, casti lux candida vatis,
 Cui sit & Idalio pulchrius igne iubar.
 Quid loquar auratis fulgentes axibus orbes ?
 Quæque tremunt duris saucia monstra rotis ?
 Hic locus , hîc vdo Como comes vdu lacchus,
 Et Venus hic duro pondere pressa gemit.
 Hic inceustus Hymen, choræque, lyreque, voluptasque,
 Hic Odium, eque Odio dira Libido necis,
 Et quodcumque scelus blandis meditatur Erinny
 Picta dolis, vindex queis struat arma dolor.
 Ipsa, vides? longo miscens cum sanguine fletus,
 Lena pari leno saucius axe iacet.
 Alternantque pares sociâ sub strage querelas :
 Exprobrat hic fraudes , exprobrat illa scelus.
 Interea superas Vates adsurgit ad arces
 Victor, & astringeris subijcit astra rotis.
 Sub pedibusque vides letum decurrere solem,
 Vatis ad occasum qui modo mestus ijt.
 Sol cui de radijs struit hinc, struit inde coronam,
 Hauriat vt pernox Phosphorus inde iubar.

F I N I S.